



鶴年方外集卷第三

編次

五言古詩

贈劉全真

峨峨崆峒山去天不盈尺西挹弱水流東掛扶桑日中
有學仙人眉白雙眼碧冷霞衣雲霧凝神鍊精魄
龍及猛虎視之如蟻蝨功成朝紫皇名隸丹臺籍
幡然汗漫遊飛行隘八極滄海重揚塵蟠桃幾結實
天上與地下俯仰成陳跡歸來斂衽坐倒卷入冥府
萬象吾肺腑四氣吾噓吸乃知大還資不離嬰兒質
蚩蚩世間人

斷喪良可惜

觀鄭高士生園

凝身危石踞屏息遊絲搖電光射玄關龍虎聲咆哮大
君寐不動萬象俱來朝甘露降瓊田五色發靈苗何必
入青冥然後為逍遙

風泉清聽詩為文極禪師賦

幽栖空谷中石室如懸磬坐閱造化機動靜互相勝風
生萬籟隨雨過百泉應蕭蕭亂踈鍾泠泠隱清磬虎
嘯山月昏龍吟海波靜上人謝聲塵悠然入深定喧寂
兩俱忘是乃名真聽

白雲精舍詩為諸暨 上人賦

白雲何處來油然在巖岫下有古精藍凌雲起華構吐
吞金碧輝隱見林泉秀常從護法龍低接噴香獸覺花
映益明忍草滋逾茂高僧亦無心怡悅坐清晝安得乘
長風遍界陰涼覆法雨澤羣生普使躋仁壽

七言古詩

環翠樓歌

大山摩穹霄小山翻洪濤或翔丹穴鳳或舞寒江蛟奔騰起伏奇觀不可狀雲錦屏風金碧障中有仙家太古壇鳥啼花發春自閑子晉鸞笙乘月過王喬鳧舄凌雲還環翠樓開紫霞裏更揖鷄峰朝舜水千巖秀色傍窓浮萬壑濤聲從座起煙消日出天溶溶玉壺倒插金芙蓉鈎簾相對坐長夏灑然冰雪生心胷君不見天台嵯峨四萬八千丈若非颯車羽輪那得上又不見終南盤亘中原五百里天梯雲棧懸絕那可履何如羽人高居

環翠樓調笑日月輕公侯仙韶靈響每生聽日觀霞城
時卧遊還丹鍊就顏如玉讀書學道日不足琅函金檢
五千言錦帙牙籤三萬軸星為冠兮霓為裳或參麒麟
翳鳳凰上遊白雲鄉手把絳節朝紫皇鈞天九奏
賜霞觴醉乘冷風還下方眼空四海小八荒層樓棲真
壽而昌此名此境孰敢當藍山道士身姓梁

贈玄漠鍊師

神仙中人毛外史方瞳深碧虬髯紫了知大道本無為
況是谷神元不死偶因救旱驅玄溟倒瀉銀漢如建瓴
功成不居拂衣去洞庭渺上君山青

武昌送僧淨皓書童正思所作詩序後

童郎豪爽士生平少許可獨於皓上人珠璣發咳唾上
人學法英妙年參遍諸方文字禪鐵鞋踏破石頭路教
外方知別有傳童郎我同道上人我同鄉相逢江上折
官柳離思悠上江水長

五言律詩

寓慈湖僧舍次龍子高提舉韻

迢遞過蘭若淹留為竹林
疎鐘雲嶠迥孤燭雨窻深
長嘯非懷昔狂歌豈避今
祇緣諸漏盡不受一塵侵

慈溪報國寺度夏寄甬東椿上人

一徑野雲深僧關闕綠陰
雨腥龍出澗風勁虎過林
澹泊資禪味清涼養道心
三生如不昧石上一來尋

涵清軒為慈溪懋上人賦

止水纔盈掬涵空有底寬
玉壺秋影淨金鏡曉光寒
落月斜沉白流霞淺浴丹
上人方宴坐應向觀中看

贈李仙姑

何年夢綠華來降地仙家花擁青鸞節香隨白鹿車清
輝迴雪月玄想結雲霞不赴瑤池宴桃開幾度花

五言排律

送武昌鐵佛寺盟長老還襄陽

盟居襄陽父死方在殯遇亂奉母逃難江南餘
三十年嘗典藏鑰於蔣山主武昌鐵佛寺而重
興之及今道路既通乃奉母北歸而葬其父喪
士大夫以為方外所未有咸作詩文美之鶴年
因製五言排律二十韻以附其卷末云

襄漢揚波日江湖避地時行行隨老母處處禮名師雲
水元無住風塵信所之睦州勤奉養江革備艱危掌鑰
鍾山下傳燈鄂渚湄剎翻龍藏典幾詠鶴樓詩深慨叢

林廢真成一木支銅仙頻閱世鐵佛重開基法几雕文
貝靈旛刺綵絲雲鐘晨縹緲月殿夜參差已悟無生法
還興因極悲他鄉流徙遠先龍奉遷遲瀕洞今方息
旋歸故可期望雲雙淚瀉計日寸心馳官柳催飛錫曇
花侑奠儀既明埋玉理豈是繫珠癡定應眠牛兆毋生
觸鹿疑春暉憐舊線秋露薦新祠生死俱無憾諸方起
孝思

送鐵佛寺益公了庵朝 京遊浙

世尊出西域教化極東土大道本無為盛德人所慕只
今滅度二千年授經弟子如硯傳我生嬾癖苦貪佛或

謂三生有勝緣武昌鐵佛古名刹兵燹存臻孰承之益
公崛起振宗風至味啗人如嚼蠟相逢一笑即相親下
榻東軒忘主賓薰爐茗椀坐清夜從容軟語温如春曉
來別我朝

京國短策輕包適吳越吳越山水天下奇寶坊金刹皆
人傑公今叅訪必遇人六根一掃無纖塵錢塘潮音華
頂月獨露堂見本真從此平生大事畢頓覺身心樂
無極踢翻大海水逆流半夜中天出紅日我有故人僧
中雄不遠千里來詩筒煩公問訊向何處說法今留兜
率官

七言律詩

題昌國普陀寺二首

神鼇竝立戴崔嵬俯瞰滄溟水一杯積翠自天開
罨畫布金隨地起樓臺祈靈漢使乘槎到傳法胡僧折韋來
若使祖龍知勝槩豈應驅石訪蓬萊

一從劫火起燕然宇內名山悉變遷古剎獨存龍伯國
豐碑猶記兔兒年三更日浴咸池水八月潮吞渤海天
雲漢靈槎如可御便應長往問群仙

寄見心長老二首

時陞住靈隱

豫章老子最能文禪海詞林總逸羣
弧矢機鋒天下避

圭璋聲價日邊聞
畫長經閣繙新鈔
歲晚詩壇策舊勳
自古靈山名勝地
幾多龍象望慈雲

上方借榻動經春
道義交情久更親
滌器每憐司馬病
卓錫不厭仰山貧
茶煙隔座論文夜
花雨霑筵聽法晨
一自天香通鼻觀
六根無處著纖塵

師號天香老人

秋夜宿定水寺天香閣有懷見心長老

寂寂雙峯映澗流
重來托宿敞雲樓
窻涵虛白三更月
簾捲空青一色秋
頗有高情酬勝賞
可無奇句入冥搜
天風開徧巖前桂
誰為蒸香寄澹游

寄昌國濟汝丹長老

先兄太守嘗題詩于其方丈

西江禪伯住東溟
境接蓬萊地最靈
浙木秋濤浮座白
扶桑朝影拂蒼青
已無鶴近雲間錫
祇有龍聽月下經
李白騎鯨天上去
題詩誰復扣巖扃

寓奉化寄菩提寺主

菩提嶺外空王寺
丹磴行穿虎豹羣
萬壑濤聲巖下瀑
千峯雨氣屋頭雲
海龍送水金瓶貯
天女懷香寶鼎焚
慚愧無緣塵土客
朝朝鐘鼓下方聞

奉寄恕中韞禪師

曾向名山識異人
心如木石氣如春
坐禪霜葉秋埋膝
行道天花日繞身
有鉢相傳元是幻
無錫可卓本非貧

惟餘潭底中秋月對寫龍峰面目真時留龍峰傳燈

寄龍門海禪師予自海東初回龍門嘗拈予入社故有還家鶴之喻

曾向龍門俯急流泰山如垓海如漚學仙漫比還家鶴
作佛須看露地牛遠岫孤雲歸薄暮澄潭一月印清秋
葛川舊有三生約擬策枯藤到上頭

寄東湖濬天淵長老伯仲

平湖一鑑涵空明千鬟照影羣峰晴慈雲或將花雨過
幽泉盡學松濤鳴清援對戶忽長嘯老鶴下階時獨行
何人最得此中趣無着天親好弟兄

送鏗聲外侍者還定水寺侍者乃見心長老入室高弟

侍者還山脩白業何須門外問三車微塵有相皆成幻

大道無歧直到家月滿秋巖收桂子雪消春澗采蒲芽

阿師弘教人獅子佇見傳衣後代誇寺有天香室蒲菴故云

送信立菴長老住靈巖寺寺即吳王避暑宮也山中古跡有香逕硯池涵空閣

上人駐錫靈巖寺正是諸天聽法時日下幡幢朝旒
雲間鐘鼓晝遲殘紅掩冉迷香逕空翠溟濛落硯池
不盡平生懷古意涵空閣上一題詩

題東湖青山寺古鼎銘長老鍾秀閣

手開樓閣貯群經面對湖山衛百靈玉鏡夜寒通沆瀣
翠屏秋淨倒空青避煙鶴起簷間樹行雨龍歸几上瓶

我亦逃禪雲水客便應蕭散共松扃

題濬天淵長老二靈山房

在東湖

寶刹憑虛戶牖開羣峰北走水南迴六鼈夜湧金銀闕
九鳳朝翔紫翠堆日靜雲間飛錫下月明天上渡杯來
談玄每就巖房宿取愛三車有辯才

澹然齋為慈溪潤上人賦

寂_二禪扃掩晝陰阿師道味此中深一塵不涉水霜操
萬境俱空水月心駐屐寒香生小徑捲簾秋色上疎林
莫愁客至無清供玄酒盈樽好共斟

悠然軒為慈溪教上人賦

香消靜室定回時真趣忘言祇自知雲淡風輕天蕩_七
鳶飛魚躍晝遲_七傳來西竺二元無法坐對南山或有詩
不是淵明來入社百年誰與共襟期

清勝軒為姑蘇潤上人賦

繞屋松杉手自栽重陰長日護蒼苔一溪窈窕花間入
三徑參差竹下開夜半霜鍾寧假筵秋深月鏡本無臺
主人定起焚香坐何處扁舟棹雪來

些子景為平江韞上人賦

尺樹盈池曲檻前老禪清興擬林泉氣吞渤澥波盈掬
勢壓崆峒石一拳彷彿烟霞生隙地分明日月在壺天

旁人莫訝胸襟隘
毫髮從來立大千

半村詩為姑蘇信立菴禪師賦

菴居背郭稱踈慵
道韻清孤野趣濃
花徑紫迴通小市
竹窻窈窕納遙峰
五更風透嚴城角
半夜霜清古寺鐘
昨日隣翁告東作
四郊春雨起降龍

雲石詩為貞長老賦

坐石看雲絕百非
空山終歲澹相依
卧龍春暖潛噓氣
伏虎年深不振威
已向諸天陳瑞彩
更從歷劫拂銖衣
驀然觸著無拘碍
蕩上乾坤自在飛

白石詩為琦公宗師賦

雪色雲根出翠微
堅貞不與道心違
塵空自比仙人鏡
路滑誰參佛祖機
豈為礪金希世用
都緣韞玉發山輝
點頭默契生公法
絕勝商歌嘆短衣

寓東湖二靈寺

二靈古稱山水窟
興來獨往亦一奇
扣舷時聞小海唱
奪卷復觀長江詩
月中聽鶴坐不寐
煙外盟鷗歸每遲
桃花流水儻得路
便應黃髮為漁師

次義上人韻

冥棲九隴傍雲松
茗盞熏爐取次供
月滿長空秋放鶴
雨昏大海晝降龍
病中普施諸方食
定裏長聞上界鐘

明哲古來多玩世不妨隨處舞三節

再用前韻贈祖庭興上人

匡廬攬秀昔巢松水色山光左右供日下奇峰金作鳳
雲間飛瀑玉為龍撲簾空翠沾晴几拍枕寒濤隱暮鍾
從此胸中富丘壑乾坤萬里一吟筇

悼湖心寺壁東文上人

祇林一葉墮秋霜回首滄洲淚兩行几上殘經塵已暗
篋中遺藁墨猶香雲迷圓澤三生石月冷維摩十笏房
想像清容何處記寒梅的皜竹蒼蒼

山居詩呈諸道侶

三首

一榻東軒迥絕緣寒巖枯木共忘年雖非悟道龐居士
豈是耽詩賈閬仙禪定儘教崖石坐法音都付澗湍傳
騰騰終日無他伎只辨飢食與困眠
日上看山眼倍明更無一事可關情掃開積雪巖前坐
領取閑雲隴上行不共羽人談太易懶從衲子話無生
劃然時發蘇門嘯遙谷風聲及水聲
懶散形骸不自持黃冠聊束鬢邊絲頻來援鶴渾相識
久混龍蛇竟不知養拙最宜情澹薄全生深藉德支離
省雲本自忘飢渴况有冰泉與石芝

逃禪室解嘲

久慕陶公卧北窓還從馬祖吸西江掃愁那用千金帚
折慢惟瞻七寶幢日晏捲簾延疊嶂雨晴欹枕聽流淙
周妻何肉俱無累祇有詩魔老未降

寄鄭高士

閉門凝坐學長生七返還丹一息成野服春深栽白苧
山庖日午薦青精煙中鹿引朝真駕月下鸞隨度曲笙
却咲秦人太癡絕樓船萬里訪蓬瀛

方瞳廣額古先生氣秉先天獨混成辟穀齋房食石髓
採苓幽澗役山精星辰夜動龍纏劍風露秋清鶴載笙
別後仙蹤杳難覓相思幾度夢登瀛

七言絕句

元旦與天淵長老雪中泛溪因而嘲及
不將栢葉圍爐飲却為梅花放棹看詩在霸橋驢子上
阿師空忍雪山寒

迎大年椿上人不值暮歸偶成

東歸聞道已浮杯力疾遙迎日幾迴何處晚來成誤認
風簾竹影月窻梅

題大年椿上人梅花

娟娟淨色雪消餘剪剪寒香月上初杓格若教諸佛見
肯將簷蔔壁言真如

寄龍門禪師二首禪師號

上方樓閣闕煙霞
補衲重來歲月賒
拄杖入門如隔世
依然翠竹對黃花

靈山積雪赤城霞
只尺東西路不賒
破碎衲衣剛補就
不煩天女散天花

題天師竹

琅玕仙節鬱蕭森
知受三天雨露深
投老相求訪真訣
獨騎龍杖度千岑

鶴年續集卷第四兵後還武昌所作

門人脩江向誠編次

五言古詩

鄞江張孟善氏貌古性方好直言慕王陵汲黯之
為人與俗多忤因扁其所居之室曰鷲菴以自况
室傍別開小圃圃中無花卉蔬果之冗唯植藥數
畦以資隣里之貧病者其友西域鶴年取古史苦
言藥也之遺意作鷲夫治藥圃詩以貽之其詞曰
小圃不盈畝偏側背江郭種藥有鷲夫菴居甘澹泊參
苓充服食杞菊成惟箔抱甕不辭勞荷鋤寧改樂平生

慕陵黠直道盡塞諤固知逆耳言即是瞑眩藥世無狄
公籠誰收治民瘼何須持方枘齟齬納圓鑿余亦種瓜
人歲晏同盤礴

贈醫士樂孟傑

越人有至鑑明德以為基視疾洞表裏談笑驅三尸神
聖不自居託以飲上池今人重勢利晝夜營已私心志
先蠱惑仁術詎能推明哲有深誠弗治為中醫樂也孝
廉士天錫仁壽資蚤歲失所怙長懷凶極悲力學岐黃
術百歲奉慈闈朱顏映華髮和氣春熙熙因推老上意
遂及親與知東隣抱膏盲西里困瘡痍刀圭一入口沉

痼忽若遺樂也無德色賢聲日四馳越人久羽化緒言
百世師今古不二致樂也其勉之

梅林書屋為四明陸秀才賦

陸郎好脩士讀書梅屋下水雪共清寒風月同瀟灑彈
琴聊對花調鼎須待實豈無松竹交歲晚為三益

題畫二首

天連翠障開雨挾銀河瀉中有澹蕩人於焉結茅舍朝
漁曲渚湄暮獵平林下危途策羸驂汨汨胡為者
荒荒野野日低漠漠江雲冷喬林延暮春光澄波浴秋影高
人千載懷乾坤一漁艇

送赤土磯巡檢徐白任滿

人生天地間忠孝理最大之子知所先秉之若圭玠小
試弓刀職長懷襁褓恩由來忠蓋士多出孝義門便
善辭令濟習容止忠孝苟不立締繡加犬豕羨子負
才氣玉立當青春一飯不遑暇志在君與親桓領壯
夫赫巡大邑鳩張悉就擒鼠竊亦屏息耕桑各按堵
老稚春風中瓜期忽已屆入謁蓬萊宮車騎挽莫留別
我大江側臨岐欲贈言老病多慙德青雲賢路開俊
俱登庸自此躋膺任毋忘孝與忠

題胡公鼎非碧梧軒

威鳳出羽族乃爲王者瑞飛翔九千仞覽德斯一至和
鳴周室興來儀舜廷治高軒植碧梧萬一幸而致慨然
千載懷孰敢謂不智柰彼積石遙來往良不易先生人
中鳳文章五色備肯作朝陽鳴亦足瑞斯世

七言古詩

贈相工

德祐忠臣好孫子爛爛目光巖電紫人間富貴等浮雲
瑣瑣何煩掛唇齒灑灑瀕險蜀道難曳裾傍人多厚顏留
取乾坤雙老眼夕陽牛背省青山

李孝子思親詩書揭秘監所撰李處士墓銘後

亭亭高岡松上有雙棲烏朝出營其巢暮歸哺其雛雌
雄和鳴尾畢逋巢成雛長烏雙殂月明夜靜雛影孤南
飛繞樹聲號呼西溪之許南山之隅嚙土為墓口卒瘞
蓬萊老仙憫其慈孝俱錫以五色鳳凰羽徑寸驪龍珠

光芒晝夜燭墓廬哀衷旣慰情始舒振迅羽翮思天衢
故巢歲晚牖戶虛飄飄風雨無時無纏綿補葺良艱劬
君不見秦家桂樹空扶踈高枝却使鷓鴣居

奉寄武昌南山白雲老人

老人姓衛
字君執

故人家住南山下心與白雲共瀟洒芝草遙賡黃綺歌
蓮花近入宗雷社嗟予江海避風塵白首歸來失所親
青眼相省如昔日只有南山與故人

送蔡士廉舍人奔計還四明

公家東海濱我昔共鄉縣今同寓鄂渚十年不一見公從
藩府典禮儀入侍須早出每遲不將汎愛要鄉譽直以

孤忠結

主知雪松貞操寒逾勁冰蘖清聲老更馳府

中諸彥皆人傑政事文章稱二絕重公質朴古人風平
揖下堂要罄折身名俱泰心獨悲甘旨親庭千里隔一
朝海鶴寄雲槭阿翁已作蓬萊客仰觀喬木戰飄風五
內分崩面深墨我聞往弔始見公我足踟躕公髮白相
省話舊重咨嗟少日風流那復得花明春泛越王湖月
皎秋尋賀公宅賞花弄月秋復春詩酒清狂多故人直
倚青年驕白日豈知碧水揚黃塵從此東西各星散我
憶同遊如夢幻秋風江海漫思鱸夜雨關河愁聽鴈公
當大事賜告歸片帆東下孤雲飛里中長老久相待一

見喜極還沾衣倘問題詩者誰子道即遼東丁令威

送奉祠王良佐奔計還郾城

郾為禮義鄉自昔多名士佐也游夏徒力學能崛起三
冬文史富才華萬言入對

天王家騎蟾秋折廣寒桂走馬春省長安花承 恩筮

仕御史府風生臺閣膺僉舉雅知嚴敬授祠官奉禮山

川來 大楚祠官清暇日有餘焚香危坐讀父書門外

猶維桓典馬釜中屢出菜蕪魚嗟予老病衡茅下時人

棄置如土直多公高義數相過茅塞心胸賴陶寫霜風

一夜吹庭闌椿萱並悴色養違再拜 親王揮涕出千

里省雲匍匐歸佳城已卜牛眠地屏立泰山帶園泗種
松畚土展孝誠傍水依山礪仁知知明仁熟政乃工終
喪還謁蓬萊宮致君堯舜付公等佇令四海回淳風五
風十雨年屢豐吾何幸為田舍翁

送奚仲瑛進士服闋朝 京

奚郎健筆凌高秋排雲直上蟾宮遊一枝丹桂許先折

歸來兩袖天香浮早年掄材服官政百里秋毫歸藻鏡

躬承 天語佐夏官幕下清談烽燧靜家書忽報丁內

艱讀禮還依孔子山教育英才樂人樂一旦徵書到巖

壑鯤鵬從此徙南溟鳳凰仍舊巢阿閣

題王大使望雲思親圖

山人愛雲不離山巢居只在雲松間枕泉漱石弄明月
此心直與雲俱閒達官愛雲雲作侶平步青雲稱高舉
天瓢一滴慰蒼生大旱用汝為霖雨王公出處與此二
者殊十年遊宦感離居衣上猶存慈母線手中長把嚴
君書日日看雲不遑暇為有吾親舍其下恨身不得逐
雲飛却寫飛雲入圖畫公餘展翫凝心神見雲如見吾
雙親卷圖仍寄吾親舍永奉高堂長壽身狄公盛事王
公繼今古孝思同一致

紫芝山房

四明胡處士夢紫芝
生於別墅因置墓廬

先翁胸中有丘壑預築園亭向山郭清宵忽夢紫芝生
地靈獻瑞真佳城只今諸孫仍肯構風姿曄々如芝秀
一門朱紫自此升始知吉夢為休徵始知吉夢為休徵
千載無慚下馬陵



原件短缺

五言律詩

題宋貢士袁庸死節傳後

四明人

始獲鄉闈薦俄驚國祚傾丹心回日馭赤手抗天兵自
可敦衰薄何煩校死生文山嘉傳在端合附高名

送定海許縣丞

代作

蛟門佐邑滿南去候庭闈雨露隨花綬雲霞避綵衣賢
聲今已著色養舊無違萬里滄溟月清秋作伴歸

送鄞縣鮑秀才

代作

貧病吾何有深慚鮑叔知可堪遲暮日翻值別離時霜
月栖烏府風雲浴鳳池壯遊如得意音問莫教遲

題葉處士湖山獨步圖

杖屨湖山外悠然與世違水邊延月上巖際待雲歸隨
鹿過樵徑者鷗到釣磯只今瞻畫像猶想挹清輝

慈溪歸隱為馮子木大尹賦

舊隱慈溪上歸休足自怡水翻琴上曲山送畫中詩叢
菊秋容淡孤松晝景遲依然對猿鶴無愧北山移

題四明倪仲權處士小像

松間新雨過清覽出亭臯雲逐青驄馬風生白苧袍幽
懷隨地遠詩興與秋高囊錦歸時重應知從者勞

介石齋為四明倪克介賦

介石存中正能為逸豫防礪金緣最勁攻玉豈徒剛貞
德南山配神機北斗當補天應有待五色爛文章

筠軒為定海胡處士賦

種竹繞前楹年深勁節成薄雲通雨氣清夜動秋聲魚
豕空遺簡鸞鳳合度笙往來三徑熟不負歲寒盟

漁村書隱

彼美藏脩者為漁住海鄉傍沙觀鳥跡臨水映螢光舟
楫須經濟絲綸擬對揚得魚供色養綵服日升堂

靜樂齋為寧都鄧處士賦

寂々幽棲地無營足自怡清泉流道脉白月淨詩脾每

到忘機處羽鳥得意時豁然成猛省太極是吾師

勉濟國諸郎

濟國諸公子風標各擅場青陽生玉氣白日隱珠光
閱家聲重詩書世澤長直須同素志早為繼遺芳

挽四明樂仲本先生

被誣寃死京獄

斯人嗟已矣吾道轉銷沉文物超前古功名困至今
空山方泣玉同舍忽誣金白首號天處飛霜六月深
昔訪幽棲地論文十日還圖書花竹裏窻戶水雲間
一別成千載孤魂隔萬山
叢雞吾老矣東望涕長潛

挽繆將軍

大將捐公館哀音徹帝廷殞星芒角赤馭日簡編青

禮賻膺天眷佳城獲地靈唯餘馮異樹寂寞倚園亭

武昌南湖度夏

南浦幽棲地當門晷畫開青山入雲去白雨度湖來
石潤生龍氣川光媚蚌胎芙蓉三百頃何處着炎埃

題奚仲英進士鵠山書堂

已為蟾闕彥仍就鵠山居綵服晨供饌青藜夜照書
寒香三迳小清籟四窻虛仕學俱優日承明別有廬

送章彥端赴夔府太守

春雪遍林臯清寒襲縕袍題詩送賢守凍強揮毫別

思巴江永才名蜀嶺高文翁嘉政在化俗享 旣勞

送儒士栢堅赴會試

天子興文治春官策譽髦魚龍爭變化麟鳳並遊遨王
殿紅雲合金門紫氣高臚傳稱第一宮柳映恩袍

五言排律

靜樂詩 并序

靜樂者章貢處士鄧翁之齋號也翁已仙去其
子尚忠尚信不忍死其親猶求士人詩文以詠
其潛德予重二子之事死如事生也製五言排
律十韻寄之以慰其孝思云

高人嗟逝矣靜樂尚求詩豈意無為道翻成罔極悲二
難勤繼述一默付希夷飲水心逾潔看山意更遲傷烏
營塚日弔鶴造廬時霜露增新感煙霞遂宿期閉門春
事去隱几午陰移未墜青雲志仍工白雪詞每憐司馬

病深忝叔牙知慚愧無佳句緘題慰孝思

七言律詩

梅南老人讀易圖為四明陸都事賦

畫省歸來謝縉紳傍梅觀易取清真孤根下應先天氣
太極中含大地春傲睨乾坤雙老眼婆娑香影一吟身
歲寒莫問調羹事且作者英會裏人

題甬東故處士盛子暘方寸室以遺其子繼學

道義謀生本自然何煩負郭更求田由來方寸留耕地
即是虛靈不昧天春雨既濡先澤遠秋風肯穫後昆賢
不忘種德辛勤意餘慶朝朝大有年

題故憲史徐子仁兄弟南湖漁隱遺卷

冰檠同聲想二難南湖寄傲水雲寬並投清憲飛霜簡
對把滄浪釣月竿蟻夢無憑應易斷鷗盟有待竟長寒
卷中名勝多親舊三復遺文一永歎

瑞萱堂為慈溪孫原道兄弟賦

手種叢萱孝感深陽和隨見破窮陰侵凌雪色雙華萼
報答春輝寸草心踈翠近分書帶碧嫩黃遙映壽觴金
忘憂坐對高堂晚更聽埴篔簹奏好音

題四明董氏知歸菴

袞上紅塵未息機斯人何事獨知歸青山不辨將來計
白髮徒嗟既往非谷口雲霞隨葛屨沙頭魚鳥識荷衣

自慚潦倒江湖表猶對旄丘賦式微

題九曲山房圖

夏母墓廬也

九曲園亭結構牢畫圖誰為重揮毫蛟蚪起陸岩巒秀
風雨號空樹木高五夜神光通嶽氣三秋明水薦溪毛
瀧岡墓表情何極手把梧圈淚滿袍

樊口隱居為武昌李君玉賦

萬里雲霄斂翼回掛冠高卧大江隈春深門巷先生柳
雪後園林處士梅翠擁樊山邀杖屨綠浮漢水映樽壘
誰能領取坡仙鶴月下吹簫共往來

巽江草堂為章貢鄧尚忠賦

巽山環拱巽波涵瀟灑茅堂在蔚藍明月倒懸天上下
清風遠播地東南尋盟鷗鷺閑情適坐鎮魚龍老氣酣
最愛行藏兼吏隱詩成應擬百花潭

戲贈劉雲翁

千金不惜買新聲贏得風流老更成銀甕葡萄浮臘蟻
金屏窈窕轉春鶯香凝宴寢頻開席花暗閑房合度笙
夜燕未終賓客醉莫將明燭照華纓

戲贈應脩吉

硯溪居士神仙侶短髮蕭蕭雪滿簪暖老恨無燕趙玉
養生賴有坎離金床頭酒熟留僧飲席上詩成對客吟

歲晚山空誰是伴北窓梅月最知心

題長江萬里圖

右逾越雋左蓬壺萬里提封入壯圖斷石屯雲山擁蜀
驚濤雪立海吞吳蟠桃有實采青鳥若木無枝駐赤烏
秦漢經營人盡去獨留形勝在寰區

錢塘懷古

錢塘佳麗冠南州故國繁華逐水流龍虎已消王霸氣
江山空鎮古今愁吳臣廟冷潮喧夜宋主陵荒塔倚秋
最是西湖歌舞地數聲漁笛散鳧鷗

重到西湖

湧金風月昔追歡一旦狂歌變永歎錦繡湖山兵氣合
金銀樓閣劫灰寒雪晴林墅梅何在霜冷蘇堤柳自殘
欲買畫船尋舊約荒煙野水浩漫七

題簡翁水光林影圖

知是平泉是輞川水光林影共悠然薜蘿涼暎紛七月
蘋藻清涵湛上天微颭翠旗龍夭矯倒開金鏡鳳翩翻
此中真趣誰能辨吏隱雲間一散仙

水光山色齋為張勉夫賦

勉夫前朝
播紳也

新構茆齋絕世紛水光山色喜平分四窓涼湧玻璃月
一榻晴封紫翠雲鳥度畫屏迷遠黛魚吹清鏡動圓紋

往來半是漁樵侶閑話興亡坐夕曛

假館武當宮承舒菴贈詩次韻奉謝二首

一歸琳館即逍遙無復驅馳混市囂載酒每承文士過
闔茶頻赴羽人邀三清風露從天下五色雲霞匝地飄
匡坐不眠神益王靜聽笙鶴度中宵

去天尺五去人遙地位清高隔世囂祕閣校書多考索

初筵設醴重招邀每省賦雲才無敵便覺凌雲氣欲飄

枉騎敢煩臨暑夕拏舟或可候寒宵

公約來就宿
時六月也

次凶翁中秋詩韻

西風黃鶴舊磯頭皓月中分此夕秋烏鵲無依頻繞樹

魚龍有喜競乘流，煙雲盡捲天逾大。河漢低垂地欲浮，擬買桂花陪勝賞。老來佳句恐難酬。

再用前韻

次年中秋翁在史館僕留鄂渚悠然興懷復用前韻以寄

庾公樓上鄂城頭，乘月今為第幾秋。大地長天俱並照，明河晦海各分流。寒光下瀉方諸溢，顛氣高騰沆瀣浮。不見故人吳季子，百年清興若為酬。

送奉祠康仲謙致仕還陝西

大國祠官致仕歸，秋風祖帳足光輝。青松黃菊先廬在，白髮蒼顏故老稀。久奉山川諳祀典，遠迎鄉黨識朝衣。家居重念君恩厚，自送南來一鴈飛。

朝衣家居重念君恩厚，自送南來一鴈飛。

送貝惟學武昌省親復還吳淞

黃鶴磯頭捲雪濤，孝廉舟穩載時髦。故廬先壟歸心切，慈母難兄別思勞。千里尊羹宜具饌，三秋菊酒稱題糕。到家正及登高會，瀟灑誰同白苧袍。

送人使高麗

文物中朝宰相家，聯芳五桂至今誇。百年重喜孫枝盛，萬里遙瞻使節華。陽谷宵分賓日馭，天河秋早候星槎。朝鮮自昔知才辯，佇見勲名被邇遐。

秋素軒為涂以諒賦

新涼夜透讀書帷，瀟灑軒居素景宜。黃菊有香風瑟瑟，

白蓮無質月遲遲垂綸水檻沙鷗狎步屨柴門野鶴隨
除却天光與雲影更無一物在襟期

次韻陸伯暘梅花詩

小車厭省洛陽花夢想林逋處士家十里湖山春淺淡
一枝雪月夜橫斜孤高不受金尊賞清冷無煩錦帳遮
今日重吟香影裏百年風致未為賒

挽衛知事胡公鼎二首

江海論交四十年故家文物羨君賢燈前夜雨書連屋
花下春風酒滿船舍瑟肯居曾點後着鞭寧讓祖生先
他鄉重會清歡極俄送輶車一泣然

自構幽軒倚碧梧琴樽時復集名儒一官迢遞來黃鶴
五夜悲涼夢白駒盛有良筭遺細柳可無高義致生芻
孤兒扶柩歸程遠啼殺林間返哺烏

挽故豫章義士吳復原

挺生英傑百夫防高義孤忠少頡頏艱食屢分圖共濟
危城百戰誓同亡延津劍去秋無氣合浦珠還夜有光
三復園亭新墓表哀榮寧獨在瀧岡

挽吳公佑祭酒母劉夫人二首

淑容玉潤氣冰清擇對仍歸間世英四德遠從麟趾化
九苞親見鳳毛成正當愛日調珍鼎折遽爾乘雲上玉京

回首僂蹤無覓處雙峯雨露倍傷情

母儀婦道重當今共說夫人獨苦心教子遂成雙白壁
救夫不惜萬黃金家庭遺愛留名郡父嘗為興國監郡阡表新
銘出翰林每遇良辰增孝感板輿閑却在花陰

題吳公祐祭酒雙峯雨露亭

春到先塋雨露饒思亭新構報劬勞碧涵一水吞天闊
玉立雙峯拔地高每想音容增怵惕還因精氣感薰蒿
通家三世深恩在把筆題詩淚滿袍

挽謝伯昇母王安人

蘭蕙為心玉作姿閨門霜範後人師齊眉致敬過

和膽資勤冠母儀歲晚靈椿聯奕葉春深文梓長孫枝
正當琴瑟偕娛老豈意栲栳感孝思

武餘清樂為致仕尹將軍賦

汗馬功成即引年登山臨水小遊仙印紋久秘微生綠
字韻新成盡入玄深造煙霞靈運屐嘯歌風月鄂君船
貽謀尚有孫吳畧膝下時_七課一篇

紫閣山房為史仲魚賦

太華諸峯紫閣竒結茅應不負幽期遠分空翠來函谷
靜寫脩蛾入羨陂紅日屋頭臨照近白雲窻外卷舒遲
曳裾自到金門下猿鶴無時惱照思

送長史管公時敏朝京

黃鶴樓前畫舫開送車千輛動浮埃楚人獨數蘇從諫
齊士誰過管仲才報政每隨鵝鷺入覽輝重見鳳凰來
君心江漢同東注一一敷陳對玉臺

次向士誠韻

道究先天太乙初金門大隱復誰如已承丹篆三天
籙還讀青藜午夜書華表忽歸遼海鶴仙庖頻食武
昌魚行窩處春風裏擬辦堯夫洛下車

士誠為予築行窩于寓舍以詩見意次韻奉謝
云

得亡友郭至善醫士哀問

不知大夢赴華胥猶向來人問起居藥圃春深餘故植
芸窻日永列遺書獨憐宿草迷荒塚安得生芻致倚廬
咫尺無由親執紼深慚千里巨卿車
俊骨英才孰與儔華星明月照清秋重傷賈誼年猶少
深慟顏淵德最優過墓自當留寶劍濟河誰復共仙舟
極知脩短俱天命老淚無端似水流

寄題

黃子中橋亭八景

橋亭風景洞天如中有儒仙舊隱廬
春漲接藍涵蟬竦梁內有石長橋 澧陂春漲

曉風滴翠濕芙蓉

龍磔朝嵐嶺內有嶺

受詩華嶽浮丘館

中華翠嶽峰頭有浮丘伯仙宇

說劍香鑪許令居

香爐紫煙峰頭有許旌陽仙居

雲外懸崖飛屐上

天寶懸崖

雨中沃壤帶經鋤

田東暮雨

踈鍾鯨吼霜華重

聖容僧鍾

長笛龍吟月色虛

雲源仙笛

老我塵寰懷勝境追遊早晚命中車

五言絕句

題赤壁圖

橫槊英聲遠聞簫蕭逸興長至今風月夜鶴亭繞黃岡

題謝安觀山圖

欲為蒼生起神州未可還籌思保江表安若會稽山

長溪獨釣圖為舒菴賦

溪上釣秋風心隨溪水東後車今已載何待兆非熊

題鄭高士畫竹

鄭君高節士瀟灑絕人羣獨把青鸞尾山窓掃白雲

梅竹畫為郭志善題

姑射下天壇
天空鬢影寒
雲深歸路迥
獨自跨青鸞
題山翁先生梅蘭二首

老向江南住
梅花共歲寒
故人清興在
踏雪幾回看
湘臯風日美
芳草不勝春
欲採紉為佩
慚非楚蓋臣
畫菜為馬上舍題

蔬畦新雨過
小摘稱居貧
若入君王夢
瓊林第一人
畫松菜

老圃青_七甲
平生味飽諳
本無食肉相
豈是厭肥甘
畫蘿蔔

高氏賢兄弟
常將備夕飡
如何清列士
今作畫圖看

畫竹

拂素寫晴窓
亭亭玉一雙
蒼龍雷喚醒
風雨遍湘江
畫枯木竹石

青天騰一蛟
白日卧雙虎
何人歌竹枝
遙隔瀟湘浦
題畫二首

遠水吞天碧
危峯拔地青
何由雲樹底
揮塵坐茅亭
翠黛浮晴漢
虬枝立暝煙
廻舟不用楫
江上水吞天
靜樂詩為情
江向士誠賦

清心如止水
一月印當中
誰道芭蕉雨
瀟_七解惱公

題畫

九疊雲峰面_上同穀紋波起鯉魚風溪頭艇子林間屋
來往能無避俗翁

題會稽王冕翁畫梅

永和筆陣在山陰家法唯君悟最深寫得梅花兼二妙
右軍風致廣平心

紅梅

姑射仙人煉玉砂丹光晴貫洞中霞無端半夜東風起
吹作江南第一花

瓊仙服盡紫金丹不識人間有歲寒一咲荒村春似海
滿天風雪跨青鸞

紅梅翠竹

水仙二首

湘雲弄月依人翠袖霓裳作隊歸恠底香風吹不斷
水晶宮裏宴江妃

影娥池上晚涼多羅襪生塵水不波一夜碧雲凝作夢
醒來無柰月明何

竹枝詞二首

竹鷄啼處一聲人山雨來時郎欲行蜀天恰似離人眼
十日都無一日晴

水上摘蓮青的的泥中採藕白纖纖却咲同根不同味
蓮心清苦藕芽甜

題定海樂節婦劉氏沿江泣尋夫屍卷

怨入江雲結晝陰潮痕清淺淚痕深白頭重見黃泉下
方盡寒燈一寸心

題淞江梧桐鄉鳴鳳里朱節婦卷

手植梧桐不憚勞朝陽鳴鳳一來遶托棲未穩翻然逝
慰眼惟遺五色毛

重到戴玄學齋居

憶坐詩壇棹酒船花枝倚旒月嬋娟一從鳧鳥朝天去

月夕花朝兩惘然

題竹間翁白馬圖

誰識驂騑汗血中
靜團積雪動生風
一從選入天閑內
不覺人間萬馬空

題唐申玉三駿圖

三駿英_三出渥洼
太平芻粟飽天家
誰知大將平河北
百戰功歸獅子花

戲題明皇照夜白圖

天上麒麟天下稀
月中幾送八姨歸
君王寓目應追悔
悞看乘鸞度羽衣

題劉伯昇所藏蘭亭

右軍高致極清真
盛集蘭亭詠暮春
文彩風流那復見
摩挲遺墨想丰神

題水竹居卷

夜夢青鸞浴鳳池
曉來水竹索題詩
浣花吏隱無人繼
老我風塵寫愧辭

武昌南湖度夏

湖山新雨洗炎埃
萬朵青蓮鏡裏開
日暮菱歌動南浦
女郎雙棹盪舟來

紅蓮白藕詞

紅蓮白藕兩相宜
欲採臨流意轉遲
蓮子縱甜心獨苦
藕芽雖美腹多絲

採蓮採藕湖水濤
阿儂踏歌郎賞音
多虛少實如郎意
外甜內苦似儂心

送蔡用嚴還四明

四明故舊苦無多
死別生離柰若何
老淚暗添江漢水
隨人去作海東波

迢遙海國接江鄉
一度懷人一斷腸
正直西風搖落際
可堪重送蔡中郎

寄四明諸友

海上歸期苦恨遲
歸心日與海爭馳
故人有待吾衰矣
一寸寒灰萬縷絲

寄武昌嚴靜山

出門便有好湖山
對酒當歌莫暫閑
不請自來留却去
無情白髮與朱顏

次舒菴見訪韻

退食從容馬首東
夕陽斜暎柳營紅
掃門將帥遙相待
却訝寒齋訪禿翁

哭四明宋廷臣推官

甬東郭外為鄰住
湖北城中值宦遊
直擬千回同一日

那知一別竟千秋

題水竹居卷

夜夢青鸞浴鳳池
曉來水竹索題詩
浣花吏隱無人繼
老我風塵寫愧辭

吉雅謨丁字元德至正間進士浙東元帥鶴年兄也

題浙東廉訪知事楊仲儒先生死節卷

危城經百戰幕下得真儒
冰檠存孤操風雲入壯圖
竒功方破敵大節竟捐軀
凜凜餘生氣千秋激懦夫

題天童寺朝元閣

海內兵塵已十年上方鐘鼓獨依然
史臣錫號承天寵中使函香出

御筵山列九龍蟠紫翠樓開五鳳出
雲烟籃輿亦有登山約擬聽松風借榻眠

贈陳章甫

三十年前鬢未蒼曾陪宰相入鴈行解衣換酒尋常醉
躍馬看花取次忙亂後已非前日夢老來那復少年狂
黃冠野服新裝束穩把長竿釣海鄉

省秋過鶴年書館夜話

弟兄惟我老宗族有君知萬里尚為客百年能幾時秋
清妨熟寐夜靜話貞期明日匆匆別還生兩地思

假日燕集呈席間諸老

半生辛苦獨天知十載鄉關入夢思作郡正逢多事日
揮毫不及少年時青衫有淚多如雨白髮無情亂若絲
今日一樽諸老共臨風不醉復何辭

愛理沙字允中至正間進士翰林應奉鶴年兄也

題戴叔能先生九靈山房圖

山房乃先生讀書處也
時先生避地四明故云

夢裏家山十載違丹青只尺是耶非墨池新水春還滿
書閣浮雲晚更飛張翰見機先引去管寧避亂久忘歸
人生若解幽棲意處處林丘有蕨薇

題餘姚葉敬常州判海隄遺卷

潮汐東來勢蹴天一隄橫捍萬家全陵遷谷變人誰在
海宴河清事獨賢曉日山川神禹跡秋風禾黍有虞田
河渠他日書成績應並宣房與代傳

題東湖古鼎銘長老鍾秀閣

檻外澄湖平不流窻間疊嶂屹將浮煙霞五色錦屏
風月雙清瑤鏡秋蒼荀濃香吹法席芙蓉涼影蕩仙舟
結巢擬傍雲松住迴首朝簪愧未投

樊川吳惟善

鶴年表元也

寄武昌諸友

黃鶴山前漢水濱一時英俊總能文金釵佐酒年俱少
銀燭抄書夜每分鴈杳魚沉勞遠思狼貪羊狠絕前聞
兵戈故國知誰在目斷西南日暮雲

寄東海鶴年

鶴臯東望接三山海上群仙日扣關虎守月爐丹煉就
龍吟霜匣劒飛還故園松菊餘三逕老屋煙霞恰半間
為問林泉逃世者如公今有幾人閒

題扇寄友

拾得瀛洲月一輪冰紈初剪瑩無塵提携不用深相憶
滿握清風即故人

小遊仙

桂殿瓊宮露氣清吹簫者是董雙成無端又作人間夢
風雨蕭蕭雞亂鳴

河漢無聲海月寒長鯨吸浪洞庭乾一聲鐵笛風雲
人在危樓第幾欄

此元刻元人丁鶴年詩余友顧澗濱歲試玉峯時所收
而以之歸余者也余向藏正統重刊本止三卷今元本
分四集一曰海巢集二曰哀思集三曰方外集四曰續
集以附錄終焉嘗取與明刻校勘分卷分體俱非其舊
即如海巢一詩元刻在卷一或以是名集職是之故明
刻列諸卷二中失其旨矣他如哀思已下三卷皆有取
意而後之稱者僅據至仁一序悉以海巢名之有是理
乎得此可証廬山面目益歎元本之不致淪沒者幾希
爰付裝池俾得附麗不壞與元刻諸名公集同十襲藏
之較嚮之塵埋故紙堆中其顯晦為何如耶伯樂一過

冀北之野而馬羣遂空此書之於澗濱吾亦云然
嘉慶己未孟夏五日書於士礼居

棘人黃丕烈

再賦丁鶴年集一首 得丁字仍禁本事

搜來漫架下首葉已殘零我自一知己人殊不
識丁收藏誠有數呵護豈無靈別具區々意茲

為隗始寧

時堯圃命某賈為
玉峯續訪之役

廣圻稿

重觀裝潢舊旋風葉未零圖章宜置甲部次恰
居丁我願希千頃君交託九靈訪書情正切寤
寐想難寧

時玉峯善權傳聞有舊刻大戴
礼澗濱欲与余買舟往訪也

次澗濱韻

堯圃黃丕烈

莫嗟相見晚全帙未奇零他日誇黃甲

二字借用堯圃將輯書目此元刻元人

集例入今朝笑白丁

用澗賞詩押丁字句意受嗤遭目拙特賞愜心靈得

隴休重望教君五藏寧

堯圃所續訪大戴禮已探得是明板矣

同堯圃次韵

方米夏文燾

中春月余得宋刻千金方同人相約題詩紀事限孫字而禁用真人本姓自後因書而賦者悉用是例矣初澗賞得此書重為元刻詩以紀事擬用丁字畏其難而改用年字卷端三首是也昨澗賞自家至書塾袖出一詩謂向所為難者今反見巧矣所押丁字果稱巧絕遂借方米次和時命工用也是翁所用旋風葉裝潢法裝之事既竣即副葉界烏絲欄書其上披覽之餘亦頗快目書中哀思集重第六葉續集缺第八葉重第十葉摠計七十七葉每葉邊楷書細字筆墨亦古雅澗賞謂是明人書余亦絕愛之故并及云

哀思集作方外堯圃





